

## NEWS RELEASE



Kilamik Tohagaghaoyok

### **NTI-kut Ikkayoktigivlugit ukkua UvagutTV Kagitaoyakut Kungiaktitiniaktot tahapkua Tamaita Niguagaghanguktitaoyot Aivakatigititlugit Angayokaghamik Niguagiahaaktitlugit**

**(May 13, 2026 – Iqaluit, Nunavut)** – Nunavut Tunngavik Timingat pikatautkuyait hapkua Nunavunmiut Inuit kungiakuvlugit, iliitugivaligahuaklugit tahapkua niguagaghanguktitaohimayot, pikataotkuyaovlutik kavamatlikinikut aolatjutaitnik kagitaoyakut kungiaklutik tahapkuninga tamaita niguagaghanguktitaoyot aivakatigititlugit.

Ikkayoktigilugit ukkua Uvagut TV, ukua NTI-kut kungiaktitiniaktot kagitaoyakut ukkua Tamaita Niguagaghanguktitaoyot Aivakatigititlugit Tallimut, May 15, 2026-mi, ublukhiut 6:00 p.m. unnuapat Kivatani Ubukhiutat. Tahapkua aivatitlugit kungiaktaoniaktot tatvuna Uvagut TV tatvalu ukkuja NTI-kut kagitaoyakut kungiakutatni Facebook-kut, taimatot hatkiomaniakmata kungiagomayunut humilikak Nunavunmi tatvalu humiitlikak hiltanikmiuniit.

Tahapkua kungiaktaotitlugit hatkitjutaoniakmata Nunavunmiut Inuit nallakniakmat hapkua niguagaghanguktitaoyot ukaktitlugit, iliituginiakmatjuk hunanik ihomagiyakakmangata hivuliotiyomayaitniklo havaghamiknik, tatvalu tohaktitaoniakmata hivugani taffuma niguagiaktokviop ubluani. NTI-kut pipkainiakmiyot Nunavunmiutaknik Inuinaknik tujuklutik appikutighanik kagitaoyakut tatvuna NTI-kut kagitaoyatni Facebook-kut. Hapkua Inuit appikutait ikkayotaoniakmata hivunightjutinik ukkautautitlugit tahapkua pivaliatjutit tatvalu ihomalutaoyonik tatvalu piyomayaoyunik pimagiayaitnik hapkua nunaliit humilikak Nunavunmi.

Tahapkua aivatjutaoniaktot kungiaktaoniaktot Inuktitut Kablunaatutlu ukkauhiit atoktaolutik kangighinaghiniakmata kungiaktunut humilikak Nunavunmi.

Nunavut Inuit niguagunngaktot tatvani vote NTI-kut Angayokaghamik Niguaktitiffaakniaktitlugit, May 27, 2026-mi, 10 a.m. ublami akunngani 7 p.m. unnuapat nunaliitni ublukhiotat atoklugo, uvalunin niguaknagigomagomik tatvani May 20, 2026-mi, 10 a.m. ublami akunngani 7 p.m. unnuapat nunaliitni ublukhiotat atoklugo

Tohaktitaovaligomaguvit tahapkuninga NTI-kut Angayokaghamik Niguaktitiffaakniaktitlugit, kagitaoyakut tahapkua taiguaghat Appikutaokataktot takkuinagialgit (FAQ), kagitaoyakut elections.tunngavik.com.

#### **Pivalialikinikut Tohakovikhak**

Annie Thomlinson

Atanik Tohaktitilikiyiitkuni

Nunavut Tunngavik Timingat

[Media@tunngavik.com](mailto:Media@tunngavik.com)